



ԵՊԻՍԿՈՊՈՍԱԿԱՆ ՁԵՌՆԱԴՐՈՒԹՅՈՒՆ

Փետրվարի 14, կիրակի:

Տեառնընդառաջ. Տօն քառասնօրեայ գալըստեանն Քրիստոսի ի տաճարն.

Օրվա մեծ տոնի առիթով Հայոց Հայրապետը Մայր տաճարում ա. պատարագ է մատուցում և եպիսկոպոսական ձեռնադրություն կատարում՝ ի պաշտօնություն Հայաստանյայց Առաքելական Ս. Եկեղեցու և ի մխիթարություն հալ հավատացյալ ժողովրդի:

Ծաբաթ օրը, երեկոյան ժամերգությունից և Տեառնընդառաջի նախատոնակից հետո, Իջման Ս. Սեղանի առաջ կատարվում է նորընծաների «ընտրություն և ուխտադրություն» ըստ սահմանի Հայոց Եկեղեցու» կարգը:

Նորընծաներ Տ. Եղիշե ծայրագույն վարդապետ Կիզիրյանը, Տ. Ոսկան ծայրագույն վարդապետ Գալքալյանը, Տ. Աղան ծայրագույն վարդապետ Բալիոզյանը, Տ. Նորվան ծայրագույն վարդապետ Զաքարյանը և Տ. Սվազ ծայրագույն վարդապետ Ասատուրյանը ծնրադիր ուխտում են «անխտոր և անապթաթ» ընթանալու Հայաստանյայց Առաքելական Ս. Եկեղեցու ուղղափառ հավատքի և վարդապետության շավղով, հավատարիմ լինելու «Արքայ Էջմիածնի մինչև զվախճան կենաց իրեանց, կալ մընալ հլու հպատակութեամբ ի ներքոյ իշխա-

նութեան և հրամանաց Արքայ Կաթողիկէ Մայր Աթոռոյս, և ծառայել երկիրդի Տեառն, յօգուտ և ի փառս անսասան Արքայ Էջմիածնի»:

Ապա եպիսկոպոսացման երդումնագրի ընթերցումից հետո նորընծաները ստորագրում են այն: Մայր տաճարի լուսարարապետ Տ. Հուսիկ արքեպիսկոպոսը և Թիրակի թեմի առաջնորդ Տ. Նարեկ եպիսկոպոսը քազանները վկայում են ուխտադրությանը:

Արարողությունից հետո նորընծաները առաջնորդվում են Վեհաքան, որտեղ Հայոց Հայրապետը ընդունում է նորընծաներին, օրհնում և «Պահպանիչ»-ով խրախուսում:

Կիրակի օրը, առավոտյան ժամը 11-ին, Վեհափառ Հայրապետը Մայր տաճարի Ս. Ստեփանոսի Սեղանի առաջ, Իրեն առնաթերակա ունենալով Տ. Նարեկ և Տ. Գևորգ եպիսկոպոսներին, քազմած Հայրապետական Աթոռի վրա, սկսում է ձեռնադրության կարգը՝ աղոթքով ու օրհնությամբ, ըստ Ձեռնադրության Մաշտոցի հրահանգի, շնորհում է եպիսկոպոսական իշխանության յոթ աստիճաններ:

Օրվա ձեռնադրության արարողության խարտավիլակի պաշտոնը կատարում է Տ. Արսեն եպս. Բերբերյանը, որը բարձր ծայ-



ՎԵՀԱՓԱՌԻ ՀԱՅՐԱՊԵՏԸ ՕԹՈՒՄ Է ԺԱԿԱՏԸ Տ. ՈՍԿԱՆ ՆՈՐԱՊԵՏԱԿ ԵՊԻՍԿՈՊՈՍԻ



ՎԵՀԱՓԱՌԻ ՀԱՅՐԱՊԵՏԸ ԹԾՈՒՄ Է ՃԱԿԱՏԸ Տ. ԱՂԱՆ ՆՈՐԱՊԵՍԱԿ ԵՊԻՍԿՈՊՈՍԻ

նով հայտարարում է՝ «Շնորհագրող Սուրբ Հայրապետ... զի միաբանք մեծի՝ Սրբոյ և առաքելական Աթոռոյս Էջմիածնի, հանդերձ համօրէն և ուխտիս, այսինքն, եպիսկոպոսութեամբ, քահանայք, սարկաւազունք... այլ և իշխանք և աղքատք, խնդիր ունինք և բարձրագահ Տէրութենէդ, վասն որոյ հայցենք աղաչանօք, զի հրամայեսցես մեզ լանդիման լինել մեծանձնութեան քո ի բացալստել զխնդիր մեր»:

Լսվում է Հայրապետի պատասխանը. «Հրամայեալ է ձեզ ի Տեառնէ ընդառաջ մատչել և ողջամիտ դիտաորութեամբ բացալստել Մեզ զոր ինչ խնդրէքդ»:

Նորընծաները ծնրադիր աղիթովն հեն Իջման Ս. Սեդակի առաջ և համընթաց մոտենում Հայոց Հայրապետին՝ տալու իրենց հավատի ուղղափառ խոստովանությունը և ստանալու եպիսկոպոսության աստիճաններ: Հայրապետական աղոթքով և օրհնությամբ տրվում է նորընծաներին եպիսկոպիսական աստիճանի համապատասխան եկեղեցական զգեստ:

Հայոց Հայրապետի «Պահպանիչ»-ով ավարտվում է ձեռնադրության հանդեսի այս առաջին մասը:

Սկսած խորանի վրա սկսվում է հայրապետական հանդիսավոր ս. պատարագը, որը շարունակվում է մինչև ճաշու գրքի ընթերցումը:

Մայր տաճարի դասերում տեղ են գրավել թեմերից եկած ազգային—եկեղեցական իշխանության պաշտոնական ներկայացուցիչներ, ինչպես նաև նորընծաների ուխտավորաբար Մայր Աթոռ ժամանած ծնողներ, հարազատներ ու բարեկամներ:

Ձեռնադրության և օծման արարողություններին ներկա են նաև ՀՍՍՀ Միևիստրների խորհրդին առընթեր Հայ Եկեղեցու գործերի խորհրդի նախագահ տիար Ռուբեն Պարսամյանն ու տեղակալ տիար Անդրանիկ Հասարթյանը:

Ձեռնադրիչ Հայոց Հայրապետը բազմում է Իր Աթոռի վրա՝ շրջաօտոված հինգ նորընծաներով:

Նորին Սուրբ Օծությունը ընթերցում է ձեռնադրության մեծ աղոթքը: Նվիրյալները ծնրադիր դեմքերը դարձնում են դեպի հավատացյալ ժողովուրդը՝ ձեռքերը վեր բարձրացրած: Նրանք հանդիսավոր և հրապարակայնորեն հրաժարվում են աշխարհից, նրա ունայնություններից և պատրանքներից:

Մայր տաճարի կամարների ներքո վեհ ու հանդիսավոր հնչում է կոչման շարականը՝ «Աստուածային և երկնաւոր շնորհ, որ միշտ լնու զպէտս սրբոյ սպասարու-

թեան Առաքելական Եկեղեցոյ, կոչէ զԵղիշէ, զՈսկան, զԱղան, զՆորվան և զԱսագ վարդապետսն ի քահանայութենէ յեպիսկոպոսութիւն»:

Կոչման սույն շարականը կրկնվում է երեք անգամ: Նորընծաները դառնում են դեպի Հայոց Հայրապետը և շարվում Նրա Աթոռի շուրջ: Հայոց Հայրապետը ընթերցում է ձեռնադրության աղոթքը, որպէսզի նորընծաները ճշմարտությամբ, հեզությամբ, ճգնությամբ և ժուժկալ համբերությամբ զարդարված անցկացնեն իրենց կյանքը և օրինակ դառնան իրենց սրբակրոն վարքով ու կենցաղով հավատացյալներին:

Մարգարեական, ավետարանական, առաքելական ընթերցվածքներից, սաղմոսներից, շարականներից հետո ս. պատարագը շարունակվում է նույն վեհությամբ և հանդիսությամբ մինչև «Ողջոյն»: Հայոց Հայրապետը նորից բազմում է Աթոռին և ընթերցում ձեռնադրության վերջին աղոթքը՝ «Լցո զսոսա Հոգովդ Քով Սրբով, զօրացո՛ւ և յաջողեա՛ւ՝ սոցա օգնականութեամբ Քով յամենայն գործս բարիս, որպէսզի կարասցեն անարատ վարութ ըստ կամաց Քոց բարեպիտաւ հովուել երկնային իմաստութեամբ բանաւոր հօտի Քում»:

Այժմ ձեռնադրության խորհրդի վերջին՝ ամենախորհրդավոր պահն է, սրբալույս մեռնող օծման պահը:

Նվիրյալները եպիսկոպոսական լրիվ ըզգեստավորման մեջ կանգնել են Հայոց Հայրապետի առաջ: Սկսվում է օծման սրբազան արարողությունը. «Օրհնեսցի, օծցի և սրբեսցի ճակատ, և բութ մատն աշոյ ձեռին...»:


Մի առ մի օծվում են Հայ Եկեղեցու սրբալույս մեռնող նվիրյալների ճակատն ու ձեռքի բութ մատը: «Օծումն զոր հեղեր առատութեամբ ի գլուխ սոցա՝ սփռեսցի լիապէս ընդ ամենայն մարմինս սոցա... Մի դիցեն զլոյսն՝ խաւար և զխաւարն՝ լոյս, ըզչարն՝ բարի և զբարին՝ չար, այլ արդարութեամբ կացցեն ի գլուխ ժողովրդեան Քո», պատգամում է Հայոց Հայրապետը՝ ըստ Մաշտոցի հրահանգի:

Ապա համապատասխան աղոթքով տրվում են նորընծաներին եպիսկոպոսական գավազան և մատանի:

Հայոց Հայրապետի «Պահպանիչ»-ով ավարտվում է եպիսկոպոսական ձեռնադրության և օծման սույն հոգեւից արարողությունը:

Ս. պատարագը շարունակվում է մինչև «Հայր մեր»:

Քարոզի պահն է: Հայոց Հայրապետը օրվա եկեղեցական տոնի, ձեռնադրության



և օժման հանդիսությունների առիթով խառնում է բովանդակակից բարոզ (Քարոզը տես «Էջմիածին» ամսագրի սույն համարում, էջ 7):

Սուրբ պատարագից հետո Վեհափառ Հայրապետը եկեղեցական թափոռով առաջնորդվում է Վեհարան, նորապսակ սրբազանների հետ:

Ժամը 15-ին, օրվա հանդիսությունների ուրախ առիթով, Վեհարանի սեղանատանը տրվում է պաշտոնական ճաշկերույթ, որին ներկա են լինում նորապսակ սրբազանները, Մայր Աթոռի միաբանությունը և արտասահմանից ժամանած եկեղեցական իշխանությանց ներկայացուցիչները, այդ թվում՝ Լիոնի եկեղեցական խորհրդի ատենապետ տեր և տիկին Սեպուհ Սարյանը, Վալանսի կրոնական իշխանության ատենապետ տիար Մանուկ Ստեփանյանը, Լիոնից՝ Մայր Աթոռի բարերարներ տիար Մանուկյանը և տիար Փափագյանը, Աթենքից՝ Վահե Աղապյանը, Բաղդադից՝ Իրաքի Ազգային-Եկեղեցական Կենտրոնական Վարչության ատենապետ Տիրան Օհանյանը, Դամասկոսից՝ Ազգային-Գավառական Ժողովի անդամ և Ազգային-Քաղաքական Ժողովի ատենապետ դոկտ. Լևոն Յագուպյանը, Ազգային-Գավառական Ժողովի անդամ և Ազգային-Քաղաքական Ժողովի ատենադպիր տիար Արմեն Օհանյանը, Ազգային-Գավառական Ժողովի փոխատենապետ տիար Վարդգես Պողոսյանը, Ազգային-Քաղաքական Ժողովի փոխատենապետ տիար Գևորգ Հարությունյանը, Ազգային-Տնտեսական Ժողովի ատենապետ տիար Գրիգոր Բարսեղյանը, Ազգային-Քաղաքական Ժողովի անդամ տիար Սարգիս Պարապետյանը, Ազգային-Քաղաքական Ժողովի անդամ տիար Մանուկ Պալյանը, Ավստրալիայից Հովհաննես սարկավագ Գարաջյանը, տեր և տիկին Հ. Իսկենդերյանը:

Ծաշկերույթին ներկա էին նաև Տանն Կիլիկիայի Անթիոքի Աթոռի միաբան Տ. Եփրեմ եպս. Բապուշյանը և Լիոնի «Քրիստոնեական Միության» Էկումենիկ Կենտրոնի դիրեկտոր հայր Պիեռ Միշելոնը, որոնք

հյուրաբար գտնվում էին Մայր Աթոռում, եպիսկոպոսական ձեռնադրության առիթով:

Ընդունելությանը ներկա էին նաև ՀՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ Ռ. Պարսամյանը և տեղակալ Ա. Հասարաթյանը:

Ընդունելության ժամանակ առաջինը Վեհափառ Հայրապետի անվանակոչության տունը և եպիսկոպոսական ձեռնադրության առիթով շնորհավորում է Տ. Հուսիկ արքեպիսկոպոսը:


Նորապսակ Տ. Եղիշե, Տ. Ոսկան, Տ. Ադան, Տ. Նորվան, Տ. Ավագ սրբազանները որդիական երախտագիտության և շնորհակալության իրենց խոսքն են ասում այս առիթով Հայոց Հայրապետին ուղղյալ:

Տիկին Ազնիվ Իսկենյանը (Միդենյ), տիար Վահե Աղապյանը (Աթենք), տիար Մանուկ Ստեփանյանը (Վալանս) նույնպես ջերմորեն շնորհավորում են ընդունելության ժամանակ Հայոց Հայրապետի անվանակոչության տունը և նորապսակ սրբազանների ձեռնադրությունը, նրանց ապագա եկեղեցանվեր ծառայության բարեմալություններով:

Հայոց Հայրապետի անվանակոչության տունը և նորապսակ հինգ սրբազաններին շնորհավորում է նաև ՀՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ Ռ. Պարսամյանը:

Վերջում խոսք է առնում նաև Հայոց Հայրապետը, մի անգամ ևս ջերմորեն շնորհավորում նորապսակ եպիսկոպոսներին՝ շնորհելով նրանց եպիսկոպոսական պանակե, և ցանկանում նրանց տեսնել միշտ Մայր Աթոռի և Հայ Եկեղեցու մկիրյալ և լավագույն ծառայողների շարքում:

Փետրվարի 14-ը ուրախության և հոգևոր բերկրանքի տոն էր Մայր Աթոռի համար, Հայաստանյայց Եկեղեցու համար, որովհետև մեր եկեղեցական բարձրագույն սպասին ծառայելու էին կոչվել հինգ խառնունակից նոր իշխանավորներ, որպես արժանավոր եպիսկոպոսներ:





ՎԵՀԱՓԱՌ ՀԱՅՐԱՊԵՏԸ ՕԾՈՒՄ Է ՃԱԿԱՏԸ Տ. ՆՈՐՎԱՆ ՆՈՐԱՊԵՏԱԿ ԵՊԻՍԿՈՊՈՍԻ



ՎԵՀԱՓԱՌ ՀԱՅՐԱՊԵՏԸ ՕԾՈՒՄ Է ԺԱԿԱՏԸ Տ. ԱՎԱԳ ՆՈՐԱՊԵՏԿ ԵՊԻՍԿՈՊՈՍԻ